



IROMAG

Odlazni studenti



by IROUNMO

U OVOM BROJU

MOOT COURT

UNIVERZITETSKA LIGA

IZLET U CRNU GORU

**SPORAZUM O
SARADNJI**

POSJETA JAFFA KOMERCU

MOSTAR SUMMER FEST

Svjetski dan borbe protiv izrabljivanja dječjeg rada obilježava se 12.6. , na isti dan kada i Konvencije Međunarodne organizacije rada Konvencije o najgorim oblicima iskorištavanja dječjeg rada.

Dječji rad je kršenje prava svakog djeteta na djetinjstvo te kršenje svih vladinih temeljnih zadataka i dužnosti da zaštiti djecu, a na svjetskoj razini svako deseto dijete je žrtva iskorištavanja u svrhu rada.

„Ne postoji jasnije otkrivenje duše nekog društva, od načina na koji se ono odnosi prema djeci.“ (Nelson Mandela)

MOOT COURT

By IROUNMO

dana 6.6.2023., u prostorijama Pravnog fakulteta Univerziteta "Džemal Bijedić" u Mostaru održano je državno Moot Court takmičenje iz oblasti ljudskih prava, u organizaciji Studentskog zbora Sveučilišta u Mostaru, uz podršku Misije OSCE-a u BiH i VSTV-a.

Tim Pravnog fakulteta Univerziteta "Džemal Bijedić" u Mostaru činili su Vildana Kubat, Anes Beganović, Amina Mešić i Amar Pajo.

U finalu su se predstavnici Pravnog fakulteta Univerziteta "Džemal Bijedić" borili za prvo mjesto protiv Pravnog fakulteta Sveučilišta u Mostaru.

Tim Prvanog fakulteta Univerziteta "Džemal Bijedić" u Mostaru osvojio je drugo mjesto.

Najbolji podnesak ispred respondenata, kao i najbolji podnesak ispred aplikanata je imao Pravni fakultet Univerziteta "Džemal Bijedić" u Mostaru.



UNIVERZITETSKA LIGA 2023

By IROUNMO

univerzitetska liga održana je 6.6.-7.6.2023. na Univerzitetu "Džemal Bijedić" u Mostaru.

u utorak, 6.6.2023. sa početkom u 8:30h započeta je Univerzitetska liga.

Grupna faza počela je u utorak 6.6.2023. godine sa početkom u 8.30h, a igralo se paralelno mali nogomet i basket (unutrašnji i vanjski teren).

U srijedu su na rasporedu utakmice basketa i malog nogometa i to utakmice polufinala, za treće mjesto i finalna utakmica.

Učesnici su pokazali svoje sportske sposobnosti i u sportskoj atmosferi osvojilo zaslužene nagrade.



NOGOMET:

Prvo mjesto ekipa Sport i zdravlje IV godina

Drugo mjesto ekipa Zdravstvena njega

Treće mjesto ekipa Mašinski fakultet

BASKET:

Prvo mjesto ekipa Lagani akademci

Drugo mjesto ekipa Oklahoma

Treće mjesto ekipa Joks

ODBOJKA:

Prvo mjesto turnira u odbojci osvojio je par u sastavu Jasmin Bobar / Fatima Husić.

Drugo mjesto osvojio je par u sastavu Amina Bašić / Kebir Ibrizović

Treće mjesto osvojio je par Ajla Graho / Majdin Mešukić



Veliku zahvalnost dugujemo našim sponzorima i to: Univerzitet "Džemal Bijedić" u Mostaru, Ministarstvo obrazovanja, nauke, kulture i sporta HNK, Sportski savez Grada Mostara, Grad Konjic, Noa - prirodna izvorska voda!

IZLET U CRNU GORU

By IROUNMO

Studenti Univerziteta "Džemal Bijedić" u Mostaru na čelu sa predsjednikom Unije studenata, Kenanom Begovićem, boravili su u dvodnevnoj posjeti Crnoj Gori, u okviru koje su posjetili Perast, Kotor, Budvu, te Tivat i Porto Montenegro.

Tokom boravka u Perastu, organizovana je tura krstarenja.

Nakon druženja i odmora u Budvi, studenti Univerziteta su posjetili Tivat i Porto Montenegro gdje je upriličena šetnja nekadašnjom lukom JNA, koja je 2009. godine izgrađena u prekrasni resort i najveću marinu u Evropi.

Nakon ugodne atmosfere i druženja u prelijepom ambijentu, za studente je organizovan ručak u restoranu Behar u Stocu.

Studenti Univerziteta su stigli u Mostar spremni za ispitne rokove koji slijede!



SPORAZUM O SARADNJI

UNIVERZITETA "DŽEMAL BIJEDIĆ" U MOSTARU I ATATURK UNIVERZITETA U ERZURMI

By IROUNMO

Rektorica Univerziteta „Džemal Bijedić“ u Mostaru prof. dr. Alena Huseinbegović zajedno sa saradnicima ugostila je delegaciju Ataturk Univerziteta iz Erzuruma, koju su činili: prof. dr. Omer ČOMAKLI, rektor Ataturk Univerziteta; prof. dr. Taşkın OZTAŞ, šef Kancelarije za međunarodne odnose; prof. dr. Ali Çağlar GÜLLÜCE, zamjenik direktora i Pınar UÇAK, referent za Erasmus program.

Na sastanku je potpisan Sporazum o saradnji kojim je ozvaničena saradnja Univerziteta „Džemal Bijedić“ u Mostaru i Ataturk Univerziteta kroz Erasmus+ program međunarodne mobilnosti nastavnika i studenata koja traje od akademske 2019/20. godine. Predstavnici univerziteta su na sastanku razgovarali o mobilnosti, programima razmjene nastavnika i studenata, mogućim zajedničkim projektima, međunarodnoj saradnji i visokom obrazovanju.



Rektorica Univerziteta „Džemal Bijedić“ u Mostaru prof. dr. Alena Huseinbegović i rektor Ataturk Univerziteta prof. dr. Omer Čomakli su na kraju sastanka i nakon potpisanog Sporazuma o saradnji razmijenili prigodne poklone.

POSJETA JAFFA KOMERCU


By IROUNMO

Studenti Agromediterranskog fakulteta, dodiplomskog i diplomskog studija, juče su posjetili plantaže Jaffa Komercu u Blagaju.

Ovom posjetom studenti našeg Fakulteta su bili u prilici vidjeti nove mašine koje su dio proizvodnog procesa u Jaffa Komvercu. Takođe, studenti su bili u mogućnosti vidjeti i raditi rezidbu trešnje kao jedne od najperspektivnijih voćnih vrsta u Hercegovini.

Profesori sa našeg Fakulteta su studentima održali predavanja i praktično pokazali rodne grančice na kojima trešnja donosi rod kao i specifičnosti rezidbe savremenog sortimenta zastupljenog u Jaffa plantažama.

Nadamo se da će ova posjeta našim studentima pomoći u savladavanju nastavnog gradiva.



MOSTAR SUMMER FEST

By IROUNMO

MOSTAR SUMMER FEST je muzički festival koji kroz tri ljetna dana okuplja najvažnija imena regionalne muzičke scene različitih žanrova: od rock, alt rock, indie, pop, alt pop, hip hop, trap, reggae, funk, punk, crossover, pa sve do sevdah i blues izričaja.

Misija Summer festa je da muzikom kao univerzalnim jezikom stvaraju nezaboravne momente sreće, ujedinjujemo sve ljude pozitivnih vibracija, potiču ih na veći društveni angažman i na neophodnost vlastite aktivacije za dobrobit društva u cjelini.



Nadovezujući se na nasljeđe Mostara kao grada u sjecištu kultura kroz vjekove, Mostar Summer Fest vidi kao snažan festival koji svojim bogatim muzičkim lineupom svake godine ostaje među najvažnijim kulturnim događanjima u državi, te na taj način ostvaruje zajedničke ciljeve svojih posjetitelja, kulturne i šire zajednice.

Ove godine na Mostar Summer Fest-u učestvovali su : Brkovi, Zoster, Helem Nejse, Bajaga i instruktori, Vojko V, i mnogi drugi....

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

